

Ársskýrsla æskulýðsstarfs hestamannafélagsins Sleipnis á Selfossi 2005.

Barna – og unglingareiðtúr var farinn á uppstigningardag 5.maí í samvinnu við æskulýðsnefndir í hestamannafélögunum Háfeta í Þorlákshöfn og Ljúfi í Hveragerði. Farið var frá Kvíarhóli í Ölfusi og riðinn nýlagður reiðvegur út að Völlum. Þar var búið að setja upp vísi að íþrótta-þrautamóti sem gerði góða lukku.

Síðan var aðstaða Eldhesta á Völlum skoðuð undir leiðsögn Hróðmars Bjarnasonar. Að lokum var grillað og leikið sér. Síðan var riðið til baka að Kvíarhóli þar sem ferðafélagar þökkuðu fyrir frábæran dag og strengdu þess heit að hittast að ári.

Þátttakendur voru 50.



Riðið frá Kvíarhóli.

Reiðnámskeið í Austurkoti voru haldin í yfirumsjón Hugufrúar Jóhannsdóttur reiðkennara. Kennari var Grímur Sigurðsson leiðbeinandi og hestafræðingur.

Fyrstu reiðnámskeiðin hófust 13.júní, alls tóku um 120 börn þátt í þeim.. Sjá meðfylgjandi skýrslu Hugufrúar um reiðskólann.

Firmakeppnin var haldinn 27.apríl í blíðskaparveðri . Þar tóku nokkur börn og unglingar þátt.

Sumarferð Sleipnis var 10.-12.júní. Góð þátttaka félagsmanna var í þeirri ferð þar á meðal 8 ungmenni.



Grindarstökk á Völlum

Knapamerkjanámskeið var fyrirhugað í Austurkoti – í maí – en vegna ónógrar þátttöku varð ekkert af því að þessu sinni.

Youth Camp alþjóðlegt æskulýðsmót var haldið að Ármóti í Rangárþingi -Ytra 15. – 22.júlí 2005. Geta má þess að nokkrir Sleipnisfélagar lánuðu hesta til mótsins.

Selfossi 7.október 2005.
Ingibjörg Stefánsdóttir,
formaður unglingaráðs Sleipnis
Sími 864-2972
Netfang ingst@visir.is

Reiðskóli Sleipnis í Austurkoti sumarið 2005.

Í sumar var starfræktur reiðskóli fyrir börn og unglinga í Austurkoti. Hófst þar þriðja sumarið samstarf hestamannafélagsins Sleipnis og Austurkots ehf um rekstur sumarreiðskóla.

Aðsókn í skólann var nokkuð góð ca 125 krakkar voru á námskeiðum í sumar. Þar var um að ræða annars vegar tveggja vikna námskeið fyrir aldurinn 8 til 14 ára og hins vegar svo kölluð polla/pæju námskeið fyrir 4 til 7 ára sem stóðu yfir eina viku í senn.

Á þessum námskeiðum var krökkunum kennt að umgangast hesta, teyma þá, leggja á, beisla, kempa, þrifa hófa, stilla beisli, ístaðsólar í rétta lengd o.s fr.

Allir gátu lagt á innan dyra og munar það miklu fyrir börnin ef veður voru ekki nógu góð.

Öll kennsla hófst svo innan dyra þar sem farið var í að skoða jafnvægi og getu. Þá var hópunum stundum skipt í tvo hópa til að byrja með, og kennt samtímis í tveimur reiðskemmum. Mikil áhersla var lögð á að kenna börnunum að stjórna hestunum, læra hvatningu, stöðva og beygja þ.e.a.s hafa jafnvægi og einhverja hugmynd um það hvernig hægt er að stjórna hesti áður en farið yrði út í reiðtúra, æfingar í gerðinu eða á hringvellingum. Jafnvægisæfingum á hesti var einn þáttur í kennslunni til að bæta jafnvægi knapans. Þá var einn hestur hringteymdur á feti og brokki og börnin látni gera ýmsar æfingar án ístaða og taums. Gangtegundakennsla var bæði í reið og sem áhorfandi. Lagt var upp úr að allir þekktu mun á gangtegundum í reið, í sjón og þekktu fótariðun. Sýnikennsla á hesti var einn liður í kennslunni, þá reið kennarinn ýmsar fimíæfingar og gangtegundir í gerði, útskýrði eðli og tilgang þeirra og lærðu börnin jafnvel og sáu í fyrsta skipti fimíæfingar eins og krossgang, brokk á hringnum, stökk á hringnum, stöðvun ofl. Öll börn fengu að prófa fleiri en tvo hesta, tilgangurinn var sá að kynnast og læra á ólíkar hestgerðir. Bóklegi þátturinn fór mest fram í formi spurninga sem þau lögðu fyrir hvort annað og kennarann jafnvel í liðakeppni (spurningaleik)

Á polla/pæju námskeiðunum var lagt með að börnin kynnist hestinum, komust í snertingu við hann og læra að treysta honum. Þar byrjuðu þau sína fyrstu reiðkennslu og reiðtúra. Það verður að segjast að mörg þeirra yngstu náðu ótrúlega fljótt jafnvægi og getu til að stjórna hestinum og gátu jafnvel riðið stutta kafla án hjálpar.

Farið var með alla hópa í nestisreiðtúr á lokadegi hvers námskeiðs og var þá riðið í landi Austurkots innan um laus hross og yfir óslétt land og þótti þetta jafnan mikið ævintýri.

Hér hefur verið stiklað á stóru um starfsemi reiðskólans í sumar og er það álit okkar í Austurkoti að vel hafi tekist til með samstarfið annað árið svo og skólann sjálfan.

Virðingarfyllt

Hugrún Jóhannsdóttir
Austurkoti